

МАРТТЬ

29-це шистонза 1941 кизоня

36 (1832)

ПИТНЕЦ 5 тр.



# Комсомолю Вайгяль

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

9-це КИЗОСЬ

Адресь: г. Саранск,  
Советская ул., Дом печати.

## Комсомолкат, тонафнесть санитарнай тевть!

Акша повязка мархта стир-  
ня! Кинди аф содаф краснай  
сестрать ты образон, конац су-  
ровой войнаты пингста эсь бла-  
городнай трудсонза ванонды  
ломанень кемотть питни эряфт?  
Кинди аф содаф патриоткаты  
прекраснай обликоц, конац са-  
моотверженна, аф ваномок труд-  
носттень и опасносттень  
лангс, пшкотькшнесть эсь граж-  
данский долгонц фронтца.

Белофиттень каршес тюре-  
мать пингста краснай сестрат-  
не няфнесть отвагань и выно-  
сивостень чудесат. Синь марса  
боецнень мархта самотверженна  
мольсть инголи оцю ловга, бо-  
лтава и аф шурота пулянь  
пиземть ала макссесть меди-  
цинский лезкс ранендаф боец-  
нени. Краснай сестратне эсь  
патриотический обязанность-  
снон пшкотькшнесть досто-  
йнаста. Синь эздост лучшай-  
не награжденнайхть Советский  
Союзонь ордена и медалса.

Краснай сестрань званиясь  
благороднай и почетнай, но  
сон ламонди обязывает. Што-  
ба маштомс ранендафти эсь  
пингстонза эрявикс лезксонь  
максма, штоба стойкайста кан-  
немс походнай эряфонь труд-  
носттень и лишенияйтень, эря-  
ви календамс эсь прыцень, ла-  
монди тонафнемс и лама со-  
дамс. Маштомс ружьяса ляце-  
ма, лыжаса цебарьста ялама,  
содамс, кода маскированнайста  
маштомс инголи, — эрь крас-  
най сестрать почетнай обязан-  
ностец. Тяфтома сонь знания-  
за боевой обстановкаса улихть  
аф полезнайхть. Коса жа ком-  
сомолкатне могут тонадомс бое-  
цень ня навикатень? Сани-  
тарнай дружинатень рядса!

Служамс родинать блан-  
зонды, кемокснемс сонь оборо-  
носпособностец — миллиот  
стирнянь, Ленинско-Сталинский  
комсомолт членонзон страст-  
най желаниясна.

Мельцанский и Сире-Шайгов-  
ский райононь комсомолецнень  
межрайоннай тактический уче-  
ниясон пингста аф калдыв-  
ста ладяфоль боецнень медоб-  
служиваниясна. Санитарнай  
дружинат начальникоц, ком-  
сомолкас Ушакова ялгась  
(Мельцанский район) организо-  
вандась госпиталь, санитарнай  
блиндашт, ротнай санпостт.  
Сембе санитаркатне цебарьста  
содазь эсь обязанностьснон,  
вурокста макссесть первай по-  
мощь «равендаф» боецнени.

Межрайоннай тактический  
учениятне няфтезь, што Мель-  
цанский и Шайговский райо-  
нонь комсомолкатне санитар-  
най тевть тонафнесазь пшк-  
жаднайста.

Но, к сожалению, нинге  
улихть райотт, велет, коса  
санитарнай тевть тонафнеманц  
эзда комсомолкатне ащихть ши-  
реса. Zubovo-Полянский район-  
ца мекольдень кофнень пинг-  
ста пуропфт 5 санитарнай  
дружинат и 14 звена, конат-  
тень эзда регулярна занятия  
этафневихть аныцек фкять эса,  
а илядыхне бездействуют. Тяф-  
тамажа положениась Ковылкин-  
ский, Ширингушский, Торбе-  
евский и лия райоттнень эсо-  
вок.

Комсомолкатнень военно-са-  
нитарнай тевти тонафнемасна  
вешти оцю организационнай  
работа. Тяса стикийность  
лангс аш кода надиямс. Це-  
барь руководствась, точнай  
расписаниясь, регулярна прак-  
тический занятиянь этафне-  
мась, а сембодонга главнайсь,  
строгай, подлинна военнай  
дисциплинась — тяфтапт усло-  
виятне, конат способствован-  
дайхть тшкжава серьезнай за-  
дачаты эряфс этафтоманцы.

Комсомолкатнень санитарнай  
дружинаса занятиянь васень  
шитнень пингстакиге дисцип-  
линась эряви ладямс военнайкс.  
Строевой подготовкась, Крас-  
най Армиянь устафнень и на-  
ставлениятнень тонафнемасна  
синь эсост должен занямс по-  
четнай васта.

Теоретический занятиятне,  
конатнень получакшнесазь бу-  
дущай краснай сестратне, тяф-  
та жа эрявихть сотнемс синь  
практический работаснон мар-  
хта. Тяфтома комсомолкатнень  
военнай тонафнемасна может  
арамс пустой тевкс. Тя тевть  
практический форманза много-  
образнайхть и сембонди дос-  
тупнайхть. Военизированнай  
отрядс тусь походе — сонь мель-  
ганза молихть комсомолкатне,  
санитарнай дружинань члет-  
тне; районца этафневихть ак-  
тивить мархта военизированнай  
занятият — походе молихть са-  
нитарнай дружинань члеттне,  
комсомолкатне. Сембе тя ком-  
сомолкатнень эткса вишкотьсы  
военнай тевть тонафнеманц,  
тонафтсмень синь действован-  
дама походнай обстановкань  
сложнай, непредвиденнай усло-  
вияса.

Комсомолса обязательнай во-  
еннай тонафнемань опытьс  
приобретандакшни сембе сяда  
оцю популярность. Келемкшни  
инициативнай тевфень лувкс-  
сна, конат направленихть  
сянди, штоба эрь комсомолец  
кафтолезень эсь военнай и  
физкультурнай знаниязон. И  
комсомолкатне тя тевса тяфта  
жа аф илядыхть.

## КОЛХОЗОНЬ СОБРАНИЯСА

Од Выселка велень Молотовъ  
лемса колхозсь тись социали-  
стический соревнованиянь до-  
говор Калининъ лемса кол-  
хозть мархта. Колхозникне  
сявьсть обязательства, штоба  
эрь гектарста сявомс 13—14  
центнерхт сэра.

В. Общев.

3-Полянский район.



Советский искусствань выдающай мастерхне

Артисттне, конатнени присужденайхть васенце степе-  
нень Сталинский премият. Кержи ширде види шири: васенце  
рядса — Н. П. Хмелев, А. К. Тарасова и Г. С. Уланова.  
Омбоце рядса — А. А. Хорава, М. Д. Михайлов и В. В. Бар-  
сова.

Фотось ТАСС-ть.

## ПРИЗЫВСЬ АДЕЛАВСЬ

Мартть 24-це шистонза Рыб-  
кинский районца аделавсь фаб-  
рично-заводской обучениань  
школатнени призывсь. Планц  
корс комиссиясь должен ульсь  
примамс 46 ломань, а примаф  
52 ломань.

Примафнень эзда комсомо-  
лецта 18 ломань, конат честна  
и добросовестна работасть кол-  
хознай работаса. Комсомолецъ,  
«Путь к социализму» колхо-  
зонь конюхсь, Игошин ялгась  
1940-це сельскохозяйственный  
кизоста тись 375 трудоши.  
Ефетифейкин комсомолецъ Ук-  
ранск велень советста «Вто-  
рая большевистская весна»  
колхозста тись 497 трудоши и  
1941-це кизоня тись 40-шка  
трудоши. Работамок честнай-  
ста, добросовестнайста колхоз-

са, сон премировандакшнеф аф  
весть правлениять ширде.

Тяфтажа примафт аф союз-  
най од ломатть, конат няф-  
нихть производстваса дебярь  
показательхть. Скобцов Васи-  
лий Ивановичсь 1940-це кизо-  
ня тись 500 трудоши. Ушаков  
ялгась М. Озясь велень совет-  
ста «Новая жизнь» колхозста  
тись 296 трудоши. Заявлени-  
ань потоксь мольсь мянь при-  
зывть мекольдень шинзонды.  
Сембоц максфоль заявленияда  
90-шка.

Призывть пингста ульсь  
этафтф оцю работа призывник-  
нень мархта. Райсоветонь ис-  
полкомть кадрань отделонц за-  
ведующайц Тронин этафтсь бе-  
седат.

Д. Офтин,  
И. Белов.

## Отличникт

Каньгуж велень средний  
школань ученикне — комсомо-  
лецне Черепкин (10 класс), Са-  
баев (9 класс) пшкотькшнесть  
ни саяф обязательствас-  
нон. Синь васенце полугоди-  
ять аделазь отличнай и цебарь  
отметка мархта. Ученический  
собранияс максеть вал, штоба  
тяфтажа испытаниятнеге мак-  
сомс аныцек отличнай отметка-  
са.

Е. Кидямкин,  
И. Кирдяев.  
Ельниковский район.

М. Козловский средний шко-  
ласа улихть лама ученик, ко-  
нат отличникт тонафнемаса и  
цебарь общественникт школа-  
са. Учениксь Кондрашкинцъ  
(9 класс) лувондови инь цебарь  
ученикне и активнай общест-  
венникне. Сон сембе програм-

мать коряс этаф материалть  
тонадоце цебарьста, учитель-  
нень кизефксонды максси пол-  
най ответт.

Кондрашкинцъ работай пред-  
седателькс колмоце пионерский  
отрядонь советса и сонь отря-  
доц лувондови инь цебарь от-  
рядкс школаса.

Е. Голосницкий.  
Атюрьевский район.

Цебарь ученикне средний  
школаса лувондовихть 6-це «А»  
классонь ученикне В. Богдан-  
кинась и Л. Бесфамильнась.  
Синь честь мархта оправдан-  
дакшнесазь пионеронь лемть.  
Ня ученикне 1940—41-це то-  
нафема кизотъ III-це четвер-  
тенц аделазь аныцек отличнай  
и цебарь отметка мархти.

И. Матвеев.  
Мамолаева, Рыбкинский р-н.

## КАДРАНЬ КУЗНИЦА

Эсь заявлениясонза, конац  
адресованнай Теплостан-  
ский фабрично-заводской обу-  
чениань школать директоронц  
лемс, Торбеевский средний шко-  
лань учениксь Ратников Миха-  
илсь сэрмады: «Советский стра-  
наса аш аф почетнай специаль-  
ность. Мон эстине жизненной  
специальностекс кочкайне лесор-  
убонь профессиять, а сясэняль-  
дянь тыда отказа монь прось-  
базень эзда, примамась монь  
ФЗО школати тонафнема».

Виде, заявлениясь адресован-  
най аф тоза, коза эряволь  
адресовать. Тянкса шумусь,  
конешна аф Ратников ялгать, а  
ся школань комсомольский и  
лия организациантень, конат  
ашезь азонда юношатнени,  
што ремесленнай училищат-  
нени и ФЗО школат-  
нени призывть (мобилизаци-  
ять) этафнесазь аф ня учеб-  
най заведениятнень админист-  
рациясна, а специальна органи-  
зованнай комиссиятне, конат  
созданнайхть призывть коряс  
эрь районца. Но сембе сяка  
сон корхтай сянь колга, што  
правительстваньконь ширде  
этафнени эрь мероприятиясь  
минь касыкс поколенияньконь,  
кода и взрослай населениань  
ширде, васьфнени оцю вооду-  
шевления мархта. Нбо сембе  
синь содайхть фкя, што минь  
правительстваньконь аш стама  
мероприятиясна, конат мо-  
лельхть ба народть интересон-  
зон карша, мекланкт, сембе  
синь направленихть сянди,  
штоба нинге сядонга цебарь-  
гофтоме народть благополучи-  
янц, тиескасыкс поколениять  
настоящай строителькс.

Вов фкя тяфтама путевкань  
максма учреждениякс и ащи  
Теплостанский фабрично-завод-  
ской обучениань школась, ко-  
нац паньчф правительствать ре-  
шениянц коряс нинге аныцек  
кизотъ. Сон аноклай квалифи-  
цированной рабочайхть минь  
лесной промышленностенькон-  
ди.

Тя кизотъ школась аноклай  
300 рабочай кафта сменава —  
150 ломань эрь сменаса. Тяф-  
та 1941 кизотъ пенцы совет-  
ский Союзонь 300 од ломань  
получайхть почетнай специаль-  
ность.

Занятиятне вярде азф шко-  
ласа ушедыхть апрельть 15-це  
шистонза. Тонафнихнени тани  
аноклавихть светлай, лямбе и  
уютнай помещениань. Аделах-  
невихть ни тиевомда общежи-  
тиятне, столовайсь, банясь, а  
клубсь и краснай уголоксь  
строафт и аделахшневи ни  
синь образцовайста оборудова-  
ниясна.

Кода аф сатыкс, кона ульсь  
и нинге тачимс иляткшни об-  
ектнень строительстваса, — ти  
кирпицень аф сатомась, конац  
может серьезна отразиться  
объектнень успешнайста строи-  
маснонды.

Сембе ня азф афсатыксне  
маластонь пингть улихть  
машффт.



## Йотафнемс эряфс партийнай директиватнень

Мартть 23-це шистонза ётась Рыбинский районнай комсомольский организациять активонь собраниянц.

Активонь собранияса ВКП(б)-нь XVIII-це конференциять итогонзон и комсомольский организациятнень задачаснон колга доклад мархта выступил ВКП(б)-нь райкомть секретарь Миньков ялгась.

Миньков ялгась эсь докладсонза подробна корхтась районца сатфксенень колга и сянь колга, кодама оцю лезкс максихть комсомольский организациятнень партийнай организациятненьди сембе работать цебарьгофтомаса.

— ВКП(б)-нь XVIII-це конференциясь, — корхтай Миньков ялгась, — тиезе комсомолть работанц сяда содержательнайста.

Большевистский партиять XVIII-це исторический съездонза меле Рыбинский райононь комсомолецне энергичнайста кярмодеть производственной работать эса активнай участияти, кармасть занимадошкшнema хозяйственной кизефксенень мархта. Черемис вельень и «Борец» колхозонь комсомольский организациятнень ашихть инициаторкс социалистический соревнованиять вишкптемаса, стахановский движениять келептёмаса. Ня организациянь комсомолецне эсь личный примерсон вельде мобилизовандаз колхознай од ломаттнень тундань видемати анокламати.

Тяда башка докладчиксь няфни лама стама факт, што нинге лама комсомольский организацият аф ашихть партийнай директивань проводникс. Тяфта Рыбинский и Мамолаевский МТС-нь комсомольский организациятнень тячнень шити сам ашесть кярмодь горячайн экономиндамати, инструментти, машинань детальхненьди бережнай отношении. Рыбинский МТС-са вете тракторхт апак аноклакт тундань видемати анычек сяе, мес тейст аш деталхть. Но кода содавсь, сят дел

тахне, конат эрявсть, ульсть мусорхнень ёткса. А комсомольский организациясь тянь шири ашезь шарфне кодамовок мяль.

Йофси аф беспокоендакшни комсомольский организациясь Рыбинский промартельть калдыв работанц колга. Тяся койкона работатнень коряс аф пшкотькшнень производственной планц. Нинге мушненьдхть васта стама фактне, мзярда артельсь нолни брак. Цехнень эса рдиз, мусор.

Выступающий ялгатне кемоста критиковандаз политпросветучреждениятнень работаснон, што ня учреждениятнень эса аш порядка, чистота. Украинск, Волгапина, Мамолаева вельень комсомольский организациятнень аф максихть практический лезкс клубонь и изба-читальнянь заведующихненьди политпросветучреждениятнень эса элементарнай порядкань тиёмаса. Улихть комсомольский организацият, конат ашесть кярмодь синь лангозост путф задачатнень пшкodemаснонды. Ефаевский, Кичатовский, Самолейский и лия организацият аф примсихть участия хозяйственной работатнень эса, аф няфнихть инициатива оцю урожайть инкса тюремаса.

Активонь собранияса ульсь отмечандаф колхознай комсомольский организациятнень секретарьснон калдыв работасна агротехнический содамашиснон касфтомаса, синь калдывста содасаз эсь колхозснон экономиканц.

Активонь собраниясь эсь резолюциясонза вещь первичнай комсомольский организациятнень эзда, штоба синь эрь комсомолець и эрь од колхозникть мобилизовандаз ВКП(б)-нь Всесоюзнай XVIII-це конференциять исторический решениязон пшкodemаснонды.

Активсь ётась организованайста. Пренияса сембоц корхтась 10 ломатть.

Нят шитнень эзда ётась Ковылкинань районнай комсомольский активть собраниянц, кося примась участия 106 ломань. Собранияса ВКП(б)-нь XVIII-це Всесоюзнай конференциять итогонзон колга доклад мархта выступил ВКП(б)-нь райкомть секретарь Сачин ялгась.

Докладчиксь и пренияса корхтай ялгатне подробна лотксь кизефксенень ланге, конат рещандакшнень конференцияса и тяка пингть отмечали, кода комсомольский организациятне практически перестраивают эсь работаснон ня решениятнень коряс. Особенна характернайхть выступлениясна Старотонов, Жуков, Кочин и лама лия ялгатнень. Старотонов ялгась азондозе, што Ковылкинань железнодорожной станцияста комсомолецне достойнайста васьфтезь конференциять панжеманц. Станциянь дежурнайть комсомолець Караушин ялгать сменац производственной работаса няфни цебарь образец. Поезтнень скоростной обработаснон, вагононь простойть крыфтаманц и лия ответственный тефнень возглавляют комсомолецне. Организацияса 35 комсомолець эзда 15 стахановец и 9 ударник.

XVIII-це партийнай конференциять решениядонза меле комсомолецне нинге сядонга цебарьгофтоз эсь производст

веннай работаснон. Электростанциянь машинистсь-комсомолец Бортыков ялгась февральста тись экономия смазочнай материалти 5,7%, обтирочнай материалда 28%. Вагононь списчицась Миронова ялгась эсь заданиянц февральста пшкodemазе 140 проценте, рельсообрезнайста слесарсь Шибанов ялгась производственной заданиянц пшкodemазе 145 проценте.

«Объединение» промартельста комсомольский организациять секретаренц Жуков ялгать выступлениясь няевсь, што артельть ингольдень руководством сембе лаца зажимал комсомолецнень инициативаснон. Комсомольский собранияса аф вельсь ульсь корхтаф сянь колга, што правлениянь башка четлне занимадакшнень самоснабжениясь, салсесть товархнень и стак тов. Мезень сюнеда артельсь работась калдывста. Тя организацияса башка комсомолецне нинге тячиме аф пшкотькшнесь производственной нормаснон. Казакова комсомолкась февральста производственной норманц пшкodemазе анычек 20 проценте.

Тельманть лемса колхозонь комсомольский организациять секретарь Кочин ялгась азондозе работань эсь опытоц. Тя организациясь организовандаф аф кунара. Но сон лувонды эсь рядсонза ни 20 член. Комсомолецне тонафнесаз XVIII-це

партийнай конференциять материалонзон и ётафнесаз ни синь эряфс. Синь, няфнемом цебарь примерхт производстваса, тяка пингть тийсть культурнай вид общественнай помещениятненьди, чистендаз колхозть территориянц навозть и разнай хламть эзда.

Лия выступления учсесь активсь Лашинский Спиртозаводста комсомольский организациять секретаренц Козлятник ялгать ширде. Сянь васте, штоба азондоме, кода работайхть комсомолецне производстваса, а синь работасть прокс аф удовлетворительнайста, январьста и февральста средняйста эрь комсомолец производственной заданиянц пшкodemазе 82—86 проценте. Козлятников корхтась вообще производить колга, ётамок вакса производстваса настоящай положениять.

Сембоц докладть коряс пренияса корхтась 10 ломатть, конат в основном правильна шарьхкодзть конференциять ширде путф задачатнень и синь светсост тиендз эсь выступленияснон.

Собраниясь ётась активнайста. Собраниянь участникне кучсть приветственной серма од ломаттнень инь кельгома другснонды и аляснонды Сталин ялгати.

А. Абакумова.

Ковылкинский район.

## Райактивонь собранияста

### Комсомольский организациясь работанц ладязе цебарьста

Мокша Ювня вельень комсомольский организациять массово-воспитательнай работанц ульсь ладяф пшкodemазе. Но ня аф сатыксенди комсомолонь райкомть ширде ульсь шарфтоф оцю мяль. Тяся тияни кочкаф од комитет, конац сембе комсомольский работать перестроил одукс.

Комсомольский од комитетсь

тияни вяти оцю работа комсомолецнень идейно-политический содамашиснон касфтомаса. Сембе комсомолецне тонафнесаз 18-це партконференциять и Верховнай Советть 8-це Сессиянц материалснон.

Секретарть ширде комсомолецненьди максевихть порученият. Инь лучшей комсомолец

не выдвинутайхть культурмелекс, конат упорна работайхть велеса аф грамотность машфтомаса.

Оцю мяль комсомольский организациясь шарфни тундань видемати анокламаса кизефксенень ширеска.

Г. Шичкин.

Торбеевский район.

## КОМСОМОЛЕЦТИ ВКП(б)-ть XVIII ВСЕСОЮЗНОЙ КОНФЕРЕНЦИЯНЦ КОЛГА

Учада и казада ульсь 41 миллион 956 тежянь. Тувода ульсь 8 миллион 200 тежянь, а ули 11 миллион 316 тежянь. Алашада ульсь 14 миллион 100 тежянь, а ули 15 миллион 840 тежянь.

Касы капиталнай строительствать обьемоц. 1941 кизоня мольфети и одс ушедови 2.213 од предприятиянь строительства. Реконструировандавихть и келептвихть 742 действующай предприятия. Должетт строис сувамс 1.151 од предприятия и 425 реконструированнайхть. Синь лувксост од домнат, конатнень кизаквалмонь общай мощностьсна 2 миллион 300 тежянь тонна чугуна, мартековский панакутт 2 миллион 780 тежянь тонна мощностьсна, 850.000 хлопкопрядильнай верететт, конат пополнидакшнесь текстильной промышленность мощностенц, а тяфтажа строявихть тяжёлай машиностроениянь за

вотт, станкостроительнай заводт, электроаппаратурнай заводт.

СССР-нь нароттнень материально-культурнай уровеньон сяда товолдонь касомац. Розничнай товарооборотсь касы 21 миллиард 500 миллион палковайс и пачкоди 197 миллиардс. Начальный и средняй школань ученикнень лувксен ащи 36 миллион 200 тежянь ломаньца, студентнень лувксен — 657.000.

887.000 подросткат призываются ремесленной и железнодорожной училищатненьди и ФЗО школатненьди. Рабочайхнень и служащайхнень марстонь лувксен 1941 кизоть пенты касы 31 миллион 600 тежянь ломаньца.

1941 кизонди планц предусматривает потреблениянь предметнень коряс производствань средствань производствать сяда высокаяста касомац. Мес? Сяс, што СССР-ть основной экономической задачанц

пшкodemанцы — ётамс главный капиталистический странатнень экономический ширдевок — васендакиге эряви шашфнемс инголи тяжёлай индустриять, конац производит производствань средстват — машинат, станокт, кшпи, уштомпаль.

В основном тяфтама 1941 кизонди народнай хозяйствать развитиянь величественнай программац, конань пшкodemаса работайхть сембе советский народсь, большевиконь партиясь и сонь вернай помощниккоц Ленинско-Сталинский комсомолсь.

### Мезьса ашихть тонь задачатне, комсомолец?

Улемс 1941 кизонь планть инкса тюреманы активнай организаторкс и ученикокс. Тякса васендакиге тон должен содамс общегосударственной планть, эсь республикацень, областцень или крайцень, эсь районцень, эсь предприятиянь или колхознень планонц. «Контрольный цифратнень и перспективнай хозяйственной

плантнень содамасна союзнай активти должен арамс обязательнай тевкс», — тяфта ульсь сёрматф «Хозяйственной строительстваса ВЛКСМ-ть участиянц колга» ВКП(б)-нь ЦК-ть постановлениясонза 1929 кизонь декабрьста. Тон должен кандоме ответственность планть пшкodemанц инкса и ваномс, штоба сон пшкотькшненьволь систематически ковста ковс, шиста-шис. Эряви маяфтомс, што эсь личный работанень мархта, планцень, эсь выработкань норматнень пшкodemаснон инкса тюремать мархта тон лездат сембе предприятиянь, промышленностень марнек отраслинь планть пшкodemаса, а мекольдень лувксса и марнек государственнай планть пшкodemаса.

Штоба арамс цехонь и предприятиянь планть инкса тюреманы организаторкс, тон обязант васендакиге тонь работамс стахановецекс, вельф пшкотькшнень выработкань норматнень, няфнемом личный пример сембе од ломаттненьди, гонатнень тон призваннаят вятемс эсь мельгат.

Комсомолец должен улемс эсь предприятиянь, промышленной отраслинь горячай патриоткс. Ёда лесной, рыбнай и стройматериалонь промышленность 1940 кизоня 1939 кизоть коряс нолдасть продукцияда сяда кржа, драй тя позорнай илядомать инкса аф кандыхть ответственность комсомолецне, конат работайхть промышленностень ня отраслитнень эса?

Средняйста планть пшкodemанц важна аф анычек предприятиять эзда. Эрь цехсь, эрь бригадась, становекс, эрь сменась должетт пшкотькшнень шинь норматнень. Тякса аф пингста-пингс, а эрь шиня, эрь частоне кизефнекс эсь прячнень: сембоном ли мон тинне, штоба работамс цебарьста, мезьса нинге мон кирдьса эсь комсомольский честезень, эсь организациязень, эсь бригадзень, фабриказень или заводзень честенц?

Тюремс высокаяк качествань продукциять инкса, строгойста соблюдатьамс технологический дисциплинаць. Ёда костюмсь, ботинкатне, фотоаппаратсь, ко-



## КАФТА КОМСОМОЛЬСКИЙ ОРГАНИЗАЦИЯНЬ КОЛГА

С.-Рябка велень советса каф-та первичнай комсомольский организацият. Фкясь Куйбышевть лемса колхозса, омбоцесь «Светлый путь» колхозса. Лувкес коре организациятне аф ёмлат — 10—17 член. И сембе комсомолечнень образованисна средний. Казалось, што работась кафке организациятнень эса ладяф аф калдывста.

Работань цебарь примерхт няфни «Светлый путь» колхозонь комсомольский организациясь (секретарь Н. Ф. Якунин ялгась). Секретарьс Якунин ялгась кочкаф кода омбоце ковсь, но и тя нюрхкяня пингста сон корянке перестроил организациять работань, кеподезе комсомолечнень и аф союзнай од ломаттнень ётка марнек массово-воспитательнай и обороннай работать эрявикс высотас. Вов анык март ковста сон ётафсь ни колма комсомольский собрания, коса ульсь обсуждафть ВКП(б) н XVIII-це конференциять и СССР-нь Верховнай Советть VIII-це Сессиянц материалсна, Мордовский АССР-ть и Чувашиянц ётка социалистический соревнованинь договорсь.

Обсуждафть по хозяйски, по-деловому на ярде азф документтнень, комсомолечне примась активнай участия тундань видемати аноклафть эса.

Цебарьста аноклаз комсомолечне видемати алашатнень. Комсомолечне Г. С. Клоков и В. Г. Зайчиков савсть шефства РККА-в фондонь алашатнень лангса. Алашатнень, конатнень инголи вестенге ашезь чистендакшне, тани регулярна чистендакшнесазь, ладяфть мельгаст цебарь уход и стак тов.

Оцю культурно-массовой работа синь ётафнихть колхозникнень ётка. Драмкружокть руководителец комсомолкась А. С. Клоковась анык март ковста кружоконь четтнень комсомолечнень вийсон мархта путнесь 4 спектакльхть. Комсомолечне кемокстаф агитаторск бригадава и звеньява. Браснай уголка комсомолонь

членц С. Лещев тиенди докладт международнай положени-янь колга.

Цебарьгодсь организациясь и обороннай работаске. Сембе комсомолечне, исключенияф-тома, ашихть Осоавиахимонь членкс. Осоавиахимонь организациять руководителец—комсомолец Н. П. Клоков касфтозе организациясь членонь лувксть 30 ломань. Васенда-киге сон вяти оцю работа допризывникнень ётка. Регулярна работайхть обороннай кружокне: ГСО н (руководительс комсомолец С. П. Лещев), ПВХО-нь (руководительс комсомолец Н. П. Клоков). Организациясь савсь обязательства 1941 кизонь майть васенце шинцты нят кружокнень слушательсон сембонь анокламе значкисток.

Тяни комсомольский организациясь деятельна аноклай Всесоюзнай гимнастический соревнованиенди. Сембе на работатнень мархта руководит комсомолец-запасонь младшай лейтенант П. С. Звездин ялгась. Организовандаф колма командат: алян командати руководительс кемокстаф комсомолец В. Г. Зайчиков ялгась, юношескийти—Н. С. Клоков ялгась и стирьнянети—А. С. Клокова ялгась. Ня командатнень работасна кода и марнек организациять работац, ётни планц коре.

Совсем лия положениась Куйбышевть лемса колхозонь комсомольский организациять эса. Таса аш кодамовок работа. Дисциплинась комсомолечнень ётка расшатаннай. Комсомолечне И. Е. Калыковсь, Я. И. Байковсь, А. Я. Деминц и лияне секретарть поручени-анзон аф пашкоткшнесазь. Первичнай комсомольский организациясь эсь собраниясонза хозяйственной кизефкт аф решандакшни. Тяфта жа таса «ВКП(б)»-ть историянц краткай курсонц аф тонафнесазь.

Матвеев.

Ст.-Синдровский район.



Колхознай од ломаттне огромнай желанияс молихть ФЗО школатнени.

СНИМКАС: Ширингушский районнай призывной комиссиять председателец Панков и врачне Шимуратова и Горбатов ялгатне поздравляют Сайкаров призывникть сонь ФЗО школав зачислениянц мархта.

Фотось Веретенниковть.

## ЛУЧШАЙ ОД ЛОМАТТНЕНЬ— КОМСОМОЛЬ РЯДОНЗОНДЫ

Рыбинский райононь передовой од ломаттне оцю мялса савихть Ленинский комсомоль рядонзонды. 1940 кизоть омбоце пилкестонза савомок и тя шити самс ВЛКСМ-нь райкомть бюроса комсомолу при-маф 100 лама од ломань. Ня примафнень ётка тонафнемаса отличник, колхознай производствань передовикт, од интеллигенциянь представительхть. Передовой од ломаттнень комсомоль рядонзонза тяшка при-токсонды предшествовал синь ётка массово-воспитательнай работать цебарьста ладямац. Будыгивань аф полной сред-ней школыа первичнай комсомольский организациясь меколь-ден пингть примась эсь ря-донзонза 9 од четт, «Путь к социализму» колхозонь комсомольский организациясь—5 од четт.

ВЛКСМ-нь райкомть членец Мартышкин ялгась организовадась Рыбинань средней школыа ВЛКСМ-нь програм-мать и уставть тонафнеманц

коряс кружок, коса тонафни 15 пёраня 10 стирьнят, конат-нень эзда ламось знакоминда-мок программать и уставть мархта, максесь заявления, коса анялдихть примамс синь комсомоль рядонзонды.

Но однак, сембе ня сатфк-сне улихть аф сембе велетнень и первичнай комсомольский организациятнень эса. С. Засецкий (секретарь Старо-веров) и Украинск (секретарь Тришев) велень комсомоль-ский организациятне од ломат-нень ётка аф витихть кодамо-вок работа, а сяс организа-циятне ёфси афи кассть.

Лама организациява од стирь-нятнень ётка работась ин-гольцекс вляткшни юктаф участкаке, хотя таянь колга ВЛКСМ-нь ЦК-ть VI-це пле-нумонц решениянза кемоста обяывали комсомольский ор-ганизациятнень.

Почтов.

Рыбинский район.

## Минь работаньке

У Сире Сомай велень аф пол-най средней школыа лама уче-ник, кемокстамок эсь ётковаст социалистический соревновани-янь договорхт, тонафнема тевса сатсть аф калдыв показа-тельхть, Фролов Ванясь, Чер-нышев Семась, Атишев Па-велсь, Кубасов Егорсь тонаф-нихть анык отличнайста и цебарьста. Синь аккуратнай-ста пашкоткшнесазь куду максф заданиятнень, а урок-нень эса оцю мялса кулхон-кшнесазь учительхнень бесе-даснон.

Школаса аф калдывста ла-дыф ученикнень ётка военно-физкультурнай работась. По-таффт «На штурм» и «Раз-ведчики» военно-тактический игратне, конатнени мольтсть оцю анокламань работа. Ли-сенди стенной газета, коса няф-невихть отличнайста и кал-дывста тонафни ученикне. Тя газетась лисенди ковти кол-моксть.

Н. Кубасов.

Рыбинский район.

## МЕС АФ РАБОТАЙХТЬ БИБЛИОТЕКАТНЕ?

Библиотекатнень значениясна трудящайхнень воспитандама-са пяк оцю. Но Инсарский рай-онна библиотекатнень работа-снон шири аф шарфневи са-томшка мяль. Лама велева би-блиотекатне мян тямисе рабо-тайхть пяк калдывста. Тяфта-ма положениась аф РОНО-ть, аф велень советонь исполкомт-нень председателсьон аф бес-покоиндакшнесыне.

«Великий перелом», «Ленин-ский путь» колхознень эса улихть библиотекат, лама эсост художественнай и поли-тический литература, конат-нень лувондомасна кирнихть оцю значения эрь колхозникти. Таса нльне улихть библиоте-карьхть, конат анык бездель-ничандайхть, а велень совет-тнень исполкомсон председа-тельсна кодамовок мерат аф примосихть, штоба синь ко-шардоме работама.

Г. Зобин.

натнень рамсят, улихть кал-дыф, грубайста тифт, аф удоб-найхть, аф красивайхть, тон наворачка кармат сюцема фаб-рикат и ломаттнень, конат тиезь вешать. Мьялфк, што тяфта жа кармайхть сюцема и тонь предприятиянень эса, кда сон поддай калдыв качества продукция. Минь лама пред-приятияньконь эса бракт эзда потерятне сашкава оцюфт, мезь минь госуударстваньконди кани миллионнай убыткат.

Кодама кись сянди, штоба продукциясь ульеь высокая качества? Тя кись—строгай-ста соблюдать технологический дисциплинатнень. Тяни изде-лиятнень ламошкаснон произ-водствасна сашкава сложнай, што правилатнень и нормат-нень эзда хотя ба фкя рабо-чайть отклонениянц вяти брак-ти, лама работайн трудть тиенцы напраснайке.

Днепропетровский металлур-гический заводонь комсомо-лечне, конатнень колга корх-тась XVIII партконференциясь ВЛКСМ-нь ЦК-ть секретарь Михайлов ялгась, упорна тюрость эрь работайть мархта «ехнологический дисциплинат

соблюдениянц инкса, и тя лездь заводти металлургонь всеоюз-най соревнованияса васенце васть занимапцты.

Комсомолец, мьялфк, што технологический дисциплинась—социалистический предприя-тиянь железнай закон!

Производстваса кирнемс чист-ота и порядка. «Двигатель революции» заводонь (Горький ош) механический цехонь ВЛКСМ-нь бюроть секретарь И. Клинов тяфта описывает од рабочайхнень работаснон: «Зоринонь и Сосфеновонь работама вастна чистайхть; инструментсна яшкити марафт порядка. Нормать синь фалу пашкоткшнесазь 130—150 процентс, продукциять качест-вац эрий анык цебарь и от-личнай...»

Пофси лия тевсь Кузнецова комсомолкать мархта. Сон ин-струменттнень аф ванфцыне, фалу сонь комплектоц аф пол-най: то паяжмать юмафты, то клинт или сверловочнай патронть аф муи. Синь веше-мозост юмафты сняра пинге, што заданиять сон пятай мязр-донга срокс аф пашкоткшне-

сы. Марушинть тяфтажа фалу ёрфят патрононза, стойканза. Инструмент эряви, а маласа аш. Ушетьшихть вешендема-не. И мезень сюнеда нормать сон пашкоткшнесы анык 55—60 процентс».

Аф чистоцлотнай работниксь—фалу калдывста работай. И правильна тисть ленинград-ский и московский предприя-тиянь комсомолечне, кеподемок решительнай тюрема производ-стваса рдазть, беспорядкать каршес. Синь эздост пример должен савом эрь комсомо-лецс.

Улемс передовой методонь зачинателькс, шашфнемс ин-голи техникать. Комсомолецс обязан улемс новаторкс, аф кирьнемок трудонь сире ме-тоттнени.

Донбасса «Сталинуголень» комбинатсь уголень сембе до-бычат эзда максим пятай 1/3. 1940 кизоня сон сротка инго-ле пашкодездедобычань планть. И тянь эса аф ёмла рольсна од ломаттнень. Строеннай бригадаса работань инициа-торсь Павел Светенко, извест-най скоростниксь Николай Кровцов, сонь последоватец

Павел Царев—нят ялгат-не смелста синнесазь тру-донь сире метоттнень и отжив-шай норматнень, вешихть тру-донь высокой производительно-стен кит.

Но тон, комсомолец, не дол-жен юкснемс, што техникань инголи шашфникс, рационали-заторкс и изобретателькс, произ-водствань новаторкс, техникать алак тонафнекс ёфси аш кода улемс!

«Комсомолечнени, васенда-киге, комсомольский активти технический тонафнемась дол-жен улемс тяфта жа обязатель-най тевкс, кода и военной и политический подготовкась.

Эрь шиня фкя част техни-ческий учебас—тя эрь комсо-молецти должен арамс дейст-виянь лозунгокс»

Тяфта корхтави «Хозяйствен-най строительства ВЛКСМ-ть участанц колга» ВКП(б)-нь ЦК-ть постановленияс.

Комсомолец-горняк! Тонати многозабойнай методонц Семи-волость—Янкинть! Комсомолец-железнодорожник! Сатнек, што-ба тонь машинакипень лангса сембе поезтне, Луини маши-нистть примеронц коряс, ки-

са обслуживались ремонтнай бригадатнень лезксфтома! Ком-сомолец-мастер, техник, инже-нер! Лездт од ломаттнени тех-никать тонафнемаса, сон ин-голи шашфнемасонза, ульхть трудонь од методонь инициа-торкс и творецкс! Велень ком-сомолец! Тонафнесть агротех-никать—сон урожайностть кас-фтоманц инкса тюремаса ащи оружиякс!

## Ванфтомс общественный собственность

Комсомолецс обществен-най добрати должен относится бережна, по-хозяйски, ванф-томс сырьять, машинатнень, топливать, электроэнергиять, ванфтомс инструменттнень, ма-шинатнень, станокнень. Кда топливать эзда ванфтомс фкя процент, конац СССР-са пот-ребляндакшневи фкя кизоста, тя составляет 2 миллионда лама тонна, илякс мязьгомс 2.000 товарнай маршрутта ла-ма, конат марафт угольса.

Любовай профессиянь ком-

(Полатисон 4-це страницаса).



## ФИЗКУЛЬТУРАСЬ И СПОРТСЬ—КОМСОМОЛТЬ КРОВНАЙ ТЕВОЦ

Вирьнять маласта паксятъ лангса ловсь туркс—накосъ шувонтф. И тоса аф ичкозе тиентьфт олгонь перьяфкт. Нят окопт и препятствиянь полосат. Таса райцентрань од ломаттне, особена допризывникне, конат тани эрь шиня занимайдайтъ военкоматъ видеса, анокламок эсь пряснон Якстерь Армиять рядонзонды службама, ётафнихть военно-тактический занятия. Мзяра ломань ни ульсь ня окопнень эса!

Военный тевсь школатнень эса арась ученикненьди фкиянь кельгома занятиякс. Лама школава, кода Ельникова, Ст.-Девичайса, Каньгужса лыжной и ялга похоттне суастъ ни тонафвиныхть привычкаст. Однак эрви азомс, што шбатнень тя оцю мялснон школань комсомольский и пионерский организационне кода эрви не возглавили. Тянь колга корхтай ся фактс, што «На штурм» игрась марнек школатнень эса сязьф. Хотя пионервожатыхне и комсомольский организационне секретарьхне корхтайхть, што аноклайтъ «Разведчики» играти, по ответственность и тянь инксонга синь лангстост аф валхневи.

Аф кунара ВЛКСМ-нь райкомс, обсуждандамо к ВЛКСМ-нь обкомъ II-це пленумонц военно физкультурной работат колга решениянц, путсь эсь инголенза задача—фатямс военной воспитаньяса сембе комсомолецнень, особена сятнень, конат ашельхть Краснай Армияса. Пяшкотькшнемок тя задачатъ, марса Осавиахимонь райсоветъ мархта пуроптеть 18 учебнай группа, конатненьди командирке кемокстаф 15 комсомолеп. Кода няеви, што формальной ширде тиф аф кржа, штоба образовайста ладямс од ломаттнень ётка обороннай работат. Но тевда нят группатнень эса пока-што тяфтажа пняк кржа.

Физкультура и спортс—тя комсомольский организационнень кровнай тевсна. Синь призваннайтъ воспитывать од ломаттненьди кеме дух, выносливость, героизм и отвага. Тянди од ломаттнень мялсна пняк оцю. Тя няеви аф кунара ётафть лыжной комсомольский кроссът эзда. Ельниковский районца тя кросса примасъ участия 678 комсомолец, конатнень эзда 640-сь максозь ГТО-нь васенце ступенень значокти лыжас и пешай переходсь коре норматнень.

Физкультурнай работань размахсь, конат получаф комсомольский кроссът пингста, эрви кемокстамс и тиесонь комсомольский организационненьди эрь шинь работакс. Сатомс стама положения, штоба сембе физически развитай комсомолецне максозь ГТО-нь значокти норматнень. Оцю значения тя тевса кирди гимнастикась. А сяс сонь мархтонза эрви занимаданнемс систематически. Замечательнай указаниакс физкультурнай работань тя областса ащи гимнастический занятиянень ётафтомаснон колга программась.

Эрви азомс, што гимнастический работасъ Ельниковский районца ладяф калдыаста. Районца лувондови 11 физкультурнай коллектив, но работа эсост аф ётафневи. Физкультурат и спортъ коряс райуполномоченнайсь Кукушкин ялгасъ нльне аф содасыне, а кодама состоянияс ащи нят коллективнень эса физкультурнай работасъ. Сон ашезь заботенда, штоба эрь велети тиес турник, брусъят, кизонди волейбольнай, футболнай и баскетбольнай площадкат. Аш нинге сонь работань практикасонза ся, штоба тиендемс межколхознай физкультурнай соревнованиат спортонь разнай видонь коряс.

М. Сайгин.

## Кода жа йотафтсазь видеать?

Аф ваномок сянъ лангс, што тундань видеать ушedomанцы илядхть лувф недялят, но сембе сяка башка колхозонь руководителхне тянь шири аф шарфнихть тачимс сатомшка мяль. Сявсасъ Боранце велень колхозть, коса планц коре арсефоль кирдемс ловда 180 гектар лангс, а киртьф анычек 30 гектар лангс, аф вятихть кодамоков работа местнай удобрениань кочкамаса и ст. тов.

Тяконь мархта эрви азомс, што Боранце велень комсомольский организационске колхозть эзда ащи ширеса. Аф ваномок сянъ лангс, што ловонь кирдемаса и местнай удобрениань—кулувонь и саразонь пометонь кочкамаса сон долженоль улемс инициаторкс.

Колхозонь правлениясь (председательсь Вишняков ялгасъ) тачимс ашезе яв бригада корматыке, а тянь сюнеда кормасъ ётафневи учетфтома и максихть возможность расхитительхненьди.

Тя тевсь эрви петемс.

И. Торопкин,  
С. Пензин.

Ковылкинский район.

## ГСО-нь кружокть работац

Порапа велеса ётай кизотькиге организовадаф ГСО-нь кружок, конань мархта руководит Комиссарова ялгасъ. Сон эсь кружоксонза вяти оцю работа населениять ётка. Тя няеви сянъ эзда, што сон февраль ковста аноклась 40 значикст, конатнень эзда 35 допризывникт.

Тя кружокса ученикне пняк лац содасазь санитарнай тевть. Вов, кепотьксонди, Михеев Б., Чекашкин А. и лият ГСО-нь значокти норматнень максозь анычек отлична.

Сергин.

Ковылкинский район.

## ЕВРОПАСА И АФРИКАСА ВОИНАСЬ (Военная действиянень дневниксна)

Моряса войнась сембе сядя пняк вишкомкшни. Мартъ 26-цешистонза германский самолетне машфть и серьезна коласть Атлантический океанца и Севернай моряса несколько английский судна.

Кода пачфнесы Рейтер агентствасъ, английский военно-морской флотть легкой виинза, конат действовандайтъ Севернай моряса, отразили германский торпеднай танкерхнень лама атакасон, конат тиентьфтольхть английский торговый пароходонь караваттнень лангс.

\*\*\*

Албанияса фронтнень эса мольсть местнай характера бойхть. Итальянский авиациясь бомбардировандась греческий морской и воздушной базат.

Средиземнай морятъ восточнай частьсонза германо-италь-

янский авиациясь стаки тиендсь налетт английский суднатнень лангс.

\*\*\*

Севернай Африкаса германский и итальянский отрядтне аф оцю бойда меле занянь Эль-Агеила пунктъ, потафтомок англичаттнень восток шири. Рейтер агентствасъ азондсы, што лондонский военнай кружнень эса аф максихть оцю значения противникъ мархта тя пунктъ занимацты, коса ульсь анычек самолетонди валгомс площадка и аф оцю радиостанция.

Рейтер агентстватъ сообщенианц коряс, мартъ 27-цешистонза английский войскане 7 недялян пингс осадада меле сязозь Эритреяса Керен општ. Абисинияса англичаттне занянь Харар општ.

(ТАСС).

## Югославияса событиянне

Мекольденъ шитнень марнек Югославиять эзда кеподсь Цветковичень правительстванц внешнеполитический ориентациянц каршес протестонь, митингонь и собраниянь волна. Крагуевац опса митингса ульсь кемоньшка тежянь ломань, Цетинье опса—5 тежятт ломань.

Цветковичень правительстванц, эведомок ня собраниянень и митингнень эзда, ушедсь примсемз срочнай мерат. Армияти и полицияти ульсь максфт указаниат применять оружиять.

Кода пачфнесазь Белградста,

принц-регентсь Павел тусь отставкас. (Павел ульсь васенце регентокс регентский советса, кона созданнайсь сяс, мес корольсь Петр II-сь ульсь нинге аф совершеннолетняй). Петр II-сь азозе, што королевский властсь ётась сонь кядезонза. Тиф од правительства. Отставкас туйф правительстватъ лама членонза арестовандафт. Арестовандафнень ётка ингольденъ премьер-министрь Цветкович. Кода корхтайхть, принц-регентсь Павел ворьгодсь.

(ТАСС).

## Корольть Петр II-йтъ манифестоц

Мартъ 27-це шистонза корольсь Петр II-й обратился на родти тяфтама манифест мархта: «Сербт, хорватт, словетт! Минь народоньконди тя стака пингста мон решил сязомс эсь кядезон королевский властть. Регентский советсь тусь отставкас. Монь вернай армиязе и флотозе эстакиге жа ётасть монь распоряжениязон и пяшкотькшнесазь ни монь приказнень. Мон сергытькшнесайне сембе серпнень, хорваттнень

и словеттнень объединитьс тронть перьф. Тяниень стака обстоятельствоватнень пингста тя ащи сембода пебяръ средствакс, штоба ванфтомс порядок странат эса и мир во вне. Мон поручил Душан Симович генералти организовадамс од правительства. Мон сергытькшнесайне сембе граждаттнень и властень сембе оргаттнень пяшкотькшнемс эсь долгсон корольти и родинати».

(ТАСС).

## Антонеску генералть заявленианц

Кода пачфнесазь иностраннай журналистонъ кружнень эса, мартъ 26-це шистонза румынский правительстватъ глава Антонеску генералсь иностраннай и румынский печатень представителхнень примамстост азозе, што фкя миллион 300 тежянь трансильванский румын, конат повсть Венгрияв венский арбитражнай решениять коряс, ащихть тани «рабский условия». Антонескуть валонзон коряс, венгерский властне всякайкс издеваются Трансильваниять венгерский частьсонза румынский

населениять лангса. Венгерхнень румынтненьди тяфтама отношениясон сюнеда, корхтай Антонеску, мон вынужден улян зняльдемс Римти и Берлинт, штоба улеуль одукс ванфвенский решениясь. Кода аф ули ванф тя решениясь, Румынияса может тиевомс внутреннай взрыв, конань инкса мон не могу кандомс моральной ответственность. Ся пингть самс, мзярс аф ули разрешенай трансильваниять колга кизефкссь, Европатъ тя частьсонза аф кармай улема спокойствия.

(ТАСС).

## ГИТЛЕРТЬ И МАЦУКАТЬ ЙОТКСА УЛЬСЬ БЕСЕДА

Германский информационнай бюросъ пачфнесы, што мартъ 27-це шистонза Гитлерть и Японский Иностраннай Тевонь министрть Мацуокать ётка

ульсь беседа, кона мольсь кафта частт 30 минута.

(ТАСС).

Врид. ответ. редакторсь  
Дм. РОДИН.

## КОМСОМОЛЦТИ ВКП(б)-ть XVIII ВСЕСОЮЗНАЙ КОНФЕРЕНЦИЯНЦ КОЛГА\*)

сомолецъ тевти хозяйский подхотдъ вельде ванфтомань возможностьта муй аф кржа. Од токархне сидеста металлический стружкатнень ёрвасазь мусорхненьди. «Арьсят, кодама бди тряпкат!—корхтайхть койкит. —Тя жа мелоч, трёшникт!» А вов Орджоникидзеъ лемса заводонь (Горький опш) фкия пехса лувозь, што кедиятнень и обтирочнай петнень аф экономнайста расходованьясна анычек тя цехса кизоти канни 2.000 цалковой убытка. А кода кочкамс латуннай стружкатнень, то тя ковти ванфты 1.830 цалковой, или 21.950 цалковой кизоти.

Сталинградский комсомолецнень примерсонды, конат ушедсть тюрема экономиять инкса, должетт последовать ВЛКСМ-ть сембе членонза.

Тяфтапт комсомолецнень

\*) Иец. Ушетксонц ванк 35 №-ста.

главнай задачасна, конат организационски вытекают XVIII Всесоюзнай партийнай конференциять решениянзон эзда.

\*\*\*

Конференцияса кизефкснень обсуждениясна и сонь решениянза ащихть большевистский деловитостень образеокс, партиянь сембе четтненьди суровой требовательностекс.

Комсомолец! Нят качественень—деловитостть, требовательностть эстиет и лиятненьди, порученнай работат инкса организацианть инголе ответственность—воспитандакшнить эсь эсот тонга. Коса ба тон афолеть работа, работак образцовайста, максить тевти сембе виыхнень, ульхть дисциплинированной трудеа. Мьялфть, што тон эсь работацень инкса кандат ответственность организацианть инголе.

Кода комсомольский организациансь макссь теить поруче-

ния, тон обязанат пяшкодемс сонь добросовестна и срокс. Кода теить оказали оцю доверия, кочкамок тонъ ВЛКСМ-нь первичнай организациань комитету или районнай, городской, областной комитету,—работак активна, добросовестна. Любовай пингста организациансь может кизефтемс тонъ, кода тон оправдываешь сонь довериянц.

ВЛКСМ-нь эрь организациансь эсь членонзон эзда веши побольшевистски пяшкотькшнемс XVIII Всесоюзнай партийнай конференциять решениянзон. И тон, Ленинско-Сталинский комсомолонъ член, минь обшествованьконь передовой ломанец, путыть сембе эсь виыхнень задачатнень пяшкодемаснонды, конат путфт XVIII Всесоюзнай конференциять мархта советский странат инголи, конац великай Сталинть руководстванц ала моли коммунизмат!

В. Чесноков.